

NIZOM SADRŽAJA BIĆE OBILJEŽEN 18. SEPTEMBAR DAN OPĆINE GORAŽDE

Autor gorazde.ba

Ponedjeljak, 02. Septembar 2013 14:24



Povodom obilježavanja 18. septembra, Dana Općine Goražde, danas je u Maloj sali Općine održan sastanak Organizacionog odbora za obilježavanje 18. septembra na kome se razgovaralo o programskim sadržajima koji će se upriličiti povodom ovog značajnog datuma za našu lokalnu zajednicu, kao i o uklapanju sadržaja u program obilježavanja Dana BPK, kako ne bi došlo do preklapanja istih.

Neki od događaja koji će biti uvršteni u program jesu svečana sjednica Općinskog vijeća Općine Goražde u okviru koje će biti dodijeljena najveća priznanja Općine, zatim otvaranje spomen obilježja ubijenoj i nastradaloj djeci u periodu 1992. – 1995. godine na području općine Goražde, otvaranje novoizgrađenih zgrada napravljenih u okviru projekta „Podrška trajnim stambenim rješenjima za najugroženije stanovnike kolektivnog centra Splavište u Općini Goražde, Bosna i Hercegovina“.

Na narednim sastancima biće razgovarano o detaljima, te usvojen konačan program obilježavanja 18. septembra, Dana BPK Goražde i Općine Goražde.

18. septembar je datum kada je prije 20 godina prvi put oslobođen grad na Drini. Osamnaesti septembar 1992. godine, dan kada su jedinice Armije BiH prvi put oslobodile ovaj grad stvorivši više od 600 km² slobodne teritorije, zlatnim slovima upisan je u historiju Goražda i Bosansko-podrinjskog kantona i svjedočanstvo je herojskog otpora njegovih branilaca, ali i svih njegovih stanovnika. Taj datum danas se obilježava kao Dan BPK-a i Općine Goražde.